



NEWSLETTER BR. 35

NOVEMBAR 2017

SADRŽAJ

FIPA AKTIVNOSTI ≡

- » DDIREKTOR FIPA-E GORDAN MILINIĆ IZABRAN U UPRAVNI ODBOR SVJETSKE ORGANIZACIJE WAIPA
- » FIPA DOVELA INVESTITORA ZA RUDNIK I TE KAMENGRAD
- » STRANIM INVESTITORIMA U CRNOJ GORI PONUDITI I BH PROJEKTE
- » AFTERCARE POSJETA KOMPANIJ IZ IT SEKTORA
- » INVESTICIONA KONFERENCIJA ZA BIH IDUĆE GODINE
- » SARADNIČKA MREŽA OMOGUĆILA REALIZACIJU 75,7 MIL. KM INVESTICIJA U BIH I OTKLONILA 149 IDENTIFICIRANIH PREPREKA ZA INVESTIRANJE
- » FIPA: POTPISAN MEMORANDUM O SURADNJI SA VIJEĆEM ZA STRANE INVESTITORE FEDERACIJE BIH
- » NEOPHODNO POVEĆATI PRILIV INVESTICIJA IZ KANADE
- » ADDIKO BANK - FIPA : ZAJEDNO DO NOVIH INVESTICIJA
- » PREDSTAVNICI PONCINI CONSULTINGA POSJETILI FIPA-U
- » AFTERCARE POSJETA KOMPANIJ APG DOO SARAJEVO
- » FIPA UČESTVOVALA NA MEĐUNARODNOJ KONFERENCIJI O REGIONALNOM TRŽIŠTU, RAZVOJU STATISTIKE I MOGUĆNOSTIMA INVESTIRANJA
- » SVE VEĆI INTERES STRANIH INVESTITORA ZA ICT SEKTOR BIH
- » FIPA NA OKRUGLOM STOLU „INVESTIRATI U BIH“ U LONDONU

POSLOVNE VIJESTI ≡

FIPA AKTIVNOSTI ≡



DIREKTOR FIPA-E GORDAN MILINIĆ IZABRAN U UPRAVNI ODBOR SVJETSKE ORGANIZACIJE WAIPA



FIPA DOVELA INVESTITORA
ZA RUDNIK I TE KAMENGRAD ≡



...I JOŠ FIPA AKTIVNOSTI...



DIREKTOR FIPA-E GORDAN MILINIĆ IZABRAN U UPRAVNI ODBOR SVJETSKE ORGANIZACIJE WAIPA



Direktor Agencije za unapređenje stranih investicija BiH (FIPA) Gordan Milinić izabran je za člana Upravnog odbora Svjetske organizacije agencija za strana ulaganja WAIPA na 22. Svjetskoj investicijskoj konferenciji WIC17 koja se održava u Dubaiju od 27. do 28. novembra 2017. godine. Ulazak FIPA-e u Upravno odbor WAIPA-e je značajan iz razloga što će se Bosna i Hercegovina i njeni potencijali mnogo više promovirati unutar manifestacija koje organizira WAIPA nego što je to do sada bio slučaj.

U okviru takmičenja za ulazak u ovo tijelo, FIPA je uspjela pobediti finansijski mnogo snažnijeg konkurenta poput Agencije za strana ulaganja Tatarstana, što je rezultat rada i zalaganja predstavnika Agencije.

Konferencija je okupila više od stotinu lidera i eksperata iz oblasti stranih ulaganja, predstavnika vodećih agencija za strana ulaganja u svijetu, međunarodnih institucija, finansijskih institucija, predstavnika privatnog sektora, vodećih ekonomista, istraživača, te političkih predstavnika i akademske zajednice kako bi razgovarali o posljednjim trendovima u sferi stranih ulaganja, politici o stranim ulaganjima, te o tome šta donosi najsavremenija praksa promocije stranih ulaganja u 2017. Učesnici konferencije su razgovarali o tome kakva je budućnost stranih ulaganja, razmjenili najbolje svjetske prakse u privlačenju stranih ulaganja, kao i njihove vještine u promociji ulaganja.



BOSNIA AND HERZEGOVINA 2x215MW KAMENGRAD COAL-FIRED POWER PLANT MOU SIGNING CEREMONY

波黑卡门格拉德2x215MW煤电项目MOU签字仪式



FIPA DOVELA INVESTITORA ZA RUDNIK I TE KAMENGRAD



Memoranduma o suradnji na realizaciji projekta Rudnik i Termo-elektrana Kamengrad između kineske kompanije China Energy Group i Lager doo Posušje potpisan je danas 27. novembra 2017. godine u Budimpešti na 6. Samitu premijera vlada Kine i 16 zemalja centralne i istočne Europe (CEE), na kojem u ime Bosne i Hercegovine učestvuje Denis Zvizdić, predsjedavajuću Vijeća ministara, i Mirko Šarović, ministar vanjske trgovine i ekonomskih odnosa. Memorandum su potpisali predsjednik kineske grupacije China Energy Group Ding Yanzhang i izvršni direktor kompanije Lager doo posušje Dragan Stipić, u prisustvu ministra Šarovića, predstavnika FIPA-e i ostalih predstavnika nadležnih kineskih kompanija.

Ističemo činjenicu da je FIPA pronašla navedenog kineskog investitora, ponudila mu sve raspoložive projekte u BiH za koje je investitor bio zainteresiran, bila u konstantnom kontaktu sa investitorom, da bi došli do konačnog izbora koji je pao na RiTE Kamengrad. Od uspostavljanja prvog kontakta sa investitorom do potpisivanja MoU prošlo je manje od godinu dana, pri tome rješavajući poteškoće tokom pregovora investitora i vlasnika projekta. U ekonomskom smislu, ova projekata se može okarakterizirati kao historijski, s obzirom da je vrijednost projekta viša od 1.000.000.000 KM, te uzimajući u obzir njegov značaj najprije za razvoj općine, kantona, a potom i države. Ujedno će predstavljati i jednu od najvećih investicija u BiH. Ističemo činjenicu da je investitor China Energy Group najveća kineska grupacija koja realizira projekte iz energetskog sektora širom svijeta. Američki časopis „Engineering New-Record“ (ENR) objavio je listu 250 vodećih međunarodnih poduzetnika, po kojem je China Energy Group na 11. poziciji, dok u „Top 150 Global Design Firms“ zauzima 4. poziciju.



STRANIM INVESTITORIMA U CRNOJ GORI PONUDITI I BH PROJEKTE



U okviru priprema za diplomatsku misiju, novoimenovani ambasador BiH u Crnoj Gori dr. Vinko Radovanović posjetio je Agenciju za unapređenje stranih investicija BiH (FIPA) kako bi se informirao o trenutnim investicijama i privrednoj razmjeni između dvije zemlje. Direktor Agencije Gordan Milinić je upoznao ambasadora o radu FIPA-e na privlačenju stranih investicija, suradnji sa stranim investitorima, pronalasku odgovarajućeg investicionog projekta u BiH za investitore, te suradnji sa nadležnim institucijama na unapređenju poslovnog ambijenta u zemlji.

Ambasador je detaljno informiran o privrednim potencijalima kojima BiH raspolaže u svim privrednim sektorima koji bi mogli biti interesantni stranim investitorima, konkurentskim prednostima zemlje, te trenutno raspoloživim projektima za investiranje kojima FIPA raspolaže i koje nudi investitorima, o čemu će dr. Radovanović moći dalje informirati crnogorsku privrednu zajednicu i šire.

Dosadašnji priliv ulaganja iz Crne Gore u BiH iznosi 12 miliona KM, i ne predstavlja odraz dobrih političkih, kulturnih, obrazovnih i susjedskih odnosa.

Imajući u vidu skroman priliv investicija, od ambasadora se očekuje da uspostvi kontakte sa privrednim udruženjima Crne Gore, te ostalim nadležnim institucijama koje bi mogle doprinijeti da se poveća i priliv ulaganja, a i privredna razmjena dvije zemlje. Također, od ambasadora se očekuje da ponudi bh. projekte stranim investitorima koji posluju u Crnoj Gori, a što predstavlja veliku šansu za BiH



AFTERCARE POSJETA KOMPANIJI IZ IT SEKTORA



U okviru Aftercare porograma 2017. godine, predstavnici Agencije za unapređenje stranih investicija BiH (FIPA), Općine Centar i kantona Sarajevo su posjetili 20. novembra 2017 godine kompaniju Walter doo Sarajevo koja posluje u sektoru informacionih tehnologija.

Walter doo je švedska investicija realizirana 2011. godine, a bavi se digitalnim inženjstvom (BIM tehnologija, pružanje rješenja arhitektonskog dizajna i dr.). Zapošljava više od 80 visokoobrazovanih osoba (inovativnih, energetske i srodnih programera, arhitekata, strukturnih, mašinskih i elektroinženjera, grafičkih dizajnera itd). Trenutno se fokusiraju na projekte međunarodnog tržišta (uglavnom zapadne Europe).

U bliskoj budućnosti planiraju rast kompanije, veće zapošljavanje i širenje na nova tržišta. Direktor kompanije g. Ladislav Krasny je potvrdio da BiH raspolaže sa kvalitetnom i kvalifikovanom random snagom i da je ona jedna od osnovnih prednosti investiranja u BiH. Sa predstavnicima kompanije se razgovaralo o uslovima poslovanja u BiH i zaključeno je da IT sektor ima veliki potencijal i da pozitivno utiče na nezaposlenost u BiH, te da država treba prepoznati potencijal i obezbjediti veće podsticaje za IT industriju.

IT sektor BiH ima potencijal da bude vodeća industrija privrede BiH i to su prepoznali mnogi investitori BiH, što potvrđuje činjenica da broj registriranih kompanija u ovom sektoru raste iz dana u dan.



INVESTICIONA KONFERENCIJA ZA BIH IDUĆE GODINE



Predsjednik Crans Montana Foruma Pierre-Emmanuel Quirin posjetio je Agenciju za unapređenje stranih investicija BiH (FIPA) kako bi sa direktorom Gordanom Milinićem razgovarao o mogućnosti organiziranja međunarodne investicione konferencije u BiH tokom 2018. godine u organizaciji CMF-a.

Istaknuto je da organiziranje međunarodnih investicionih konferencija doprinosi poboljšanju imidža zemlje na međunarodnom nivou, bližem upoznavanju sa prilikama za investiranje zemlje domaćina, uspostavljanju kontakata među privrednicima, te privlačenju investicija u konačnici.

Po okončanju sastanka u FIPA-i, održan je i sastanak sa članom Predsjedništva BiH g. Bakirom Izetbegovićem koji je upoznat sa idejom da se u BiH organizira Crans Montana Forum tokom iduće godine. CMF je jedan od najprestižnijih ekonomsko-političkih foruma u Europi i svijetu koji okuplja svjetske privrednike iz različitih privrednih sektora, ključne donosiocice odluka o investiranju, lobiste, i druge važne predstavnike is svijeta biznisa.

Bosni i Hercegovini je prijeko potrebna promocija u širim poslovnim krugovima ukoliko se želi upoznati međunarodna poslovna zajednica o njenim mogućnostima za investiranje.



SARADNIČKA MREŽA OMOGUĆILA REALIZACIJU 75,7 MIL. KM INVESTICIJA U BIH I OTKLONILA 149 IDENTIFICIRANIH PREPREKA ZA INVESTIRANJE



U Sarajevu je danas prezentiran Izveštaj o postinvesticijskim (aftercare) aktivnostima Agencije za unapređenje stranih investicija u Bosni i Hercegovini – FIPA BiH za 2016. godinu, te održan redovni godišnji sastanak Saradničke mreže u BiH. Naime, od 2013. godine u okviru Programa postinvesticijske podrške uspostavljena je Saradnička mreža kao mehanizam saradnje između institucija na svim nivoima vlasti u BiH koje doprinose bržem prevazilaženju prepreka prilikom realizacije investicijskih projekata, te na taj način aktivno doprinose unapređenju poslovnog okruženja u okviru svojih nadležnosti. S obzirom na to da aktivnosti Saradničke mreže imaju fokus na rješavanju administrativnih izazova s kojima se investitori susreću, Agencija, zajedno s predstavnicima jedinica lokalne samouprave, entitetskim i državnim institucijama, članicama Mreže, posjećuje investitore aktivne u BiH i s njima obavlja strukturirane razgovore u cilju prikupljanja informacija i identifikacije administrativnih barijera za investiranje. Prikupljene informacije na terenu FIPA BiH analizira i delegira nadležnim državnim, entitetskim i lokalnim organima na razmatranje, te preporukama predlaže njihovo rješavanje. Aftercare program predstavlja prvu sveobuhvatnu aktivnost u cilju motivacije postojećih investitora u Bosni i Hercegovini na lakše reinvestiranje i poboljšanje veza s lokalnom privredom. Saradnička mreža danas broji 55 članica, a kroz nju je od 2013. godine do danas posjećeno 356 kompanija, te identificirano ukupno 690 otvorenih pitanja, od kojih je 149 (22%) uspješno riješeno, 249 (36%) je u postupku rješavanja, dok rješavanje 292 (42%) pitanja zahtijeva izmjenu zakonskih propisa ili sistemske reforme. Ova pitanja su delegirana nadležnim tijelima kroz prijedloge i preporuke za poboljšanje poslovnog okruženja i uvjeta investiranja u Bosni i Hercegovini, a koji su sastavni dio prezentiranog Izveštaja. Zagovaranjem i aktivnim učešćem u rješavanju otvorenih pitanja, Saradnička mreža je, do danas, pomogla da 26 kompanija prevaziđe administrativne prepreke i uspješno reinvestira 75,7 miliona KM diljem Bosne i Hercegovine. Prema prezentiranom izvještaju za 2016. godinu, koji je Vijeće ministara BiH usvojilo u septembru 2017. godine, Agencija je samostalno ili u okviru Saradničke mreže obavila 55 posjeta investitorima koji su do sada investirali 432,4 miliona eura i zaposlili 4.963 bh. radnika, od čega je 3.299 novozaposlenih. Analiza rezultata je pokazala da je više od polovice od ukupnog broja posjećenih kompanija zainteresirano za proširenje i unapređenje svog poslovanja, te da bi investirali dodatnih 407,3 miliona eura i zaposlili 1.795 novih radnika ako bi se otklonile administrativne barijere s kojima se suočavaju u svom poslovanju. Upravo iz ovog razloga od ključnog je značaja da svi nivoi vlasti u BiH, uoče značaj aktivnosti koje se provode putem Saradničke mreže, te se uključe u njen rad i daju maksimalnu podršku u rješavanju otvorenih pitanja koja stoje na putu realizacije ovih investicijskih planova.

Međunarodna finansijska korporacija IFC, članica Grupacije Svjetske banke, u saradnji sa Ambasadom Velike Britanije putem projekata Privlačenja investicija i unapređenja poslovnog okruženja na lokalnom nivou „LIFE“ i Unapređenja poslovne klime i pristupa tržištu „ICAM“ podržava rad i pruža tehničku podršku Programu postinvesticijske podrške u BiH i realizaciji aktivnosti Saradničke mreže u BiH.



FIPA: POTPISAN MEMORANDUM O SURADNJI SA VIJEĆEM ZA STRANE INVESTITORE FBIH



Direktor Agencije za unapređenje stranih investicija BiH (FIPA) Gordan Milinić i ministar trgovine FBIH Zlatan Vujanović u ime Vijeća za strane investitore Federacije BiH potpisali su 17. novembra 2017. godine u Sarajevu Memorandum o suradnji sa ciljem unapređenja zajedničkog rada na poboljšanju investicione klime u BiH, uključujući rješavanje administrativnih prepreka za širenje investicija, i poboljšanje koordinacije rada između različitih organa koje djeluju u sferi privlačenja stranih investicija.

Memorandumom se predviđaju zajedničke aktivnosti na poboljšanju investicionog okruženja u zemlji, regulatornog okvira za strana i domaća ulaganja, unapređenje koordinacije federalnih i kantonalnih organa u procesu pružanja podrške realizaciji investicijskih projekata, što će u konačnici doprinijeti konkurentnosti privrede Bosne i Hercegovine.

Institucije će identificirati i analizirati informacije o preprekama koje štetno utiču na investicijsku klimu, te će predlagati konkretne reforme za njeno poboljšanje. Realizirat će program postinvesticione podrške postojećim stranim investitorima u Federaciji BiH kroz obavljanje redovnih posjeta stranim kompanijama i upoznavanje sa eventualnim problemima u poslovanje na čijem rješavanju će se zajednički raditi.

Memorandum je potpisan na period od pet (5) godina.

Ističemo činjenicu da samo zajedničkim radom i opredjeljenjem za unapređenje poslovne klime u zemlji se može postići značajniji priliv investicija, što automatski znači više radnih mjesta za naše građane i ekonomski napredak zemlje.



NEOPHODNO POVEĆATI PRILIV INVESTICIJA IZ KANADE



U okviru priprema za diplomatsku misiju, novoimenovani ambasador BiH u Kanadi i nerezidentni za Kubu Srđan Lalić posjetio je Agenciju za unapređenje stranih investicija BiH (FIPA) kako bi se upoznao o trenutnoj privrednoj i investicijskoj suradnji između dvije zemlje.

Direktor FIPA-e Gordan Milinić je upoznao ambasadora Lalića sa radom Agencije na privlačenju stranih investicija i promociji BiH kao lokacije za investiranje, kao i mogućnosti za ulaganje u BiH. Istaknuto je da dosadašnji nivo investicija iz Kanade nije na zadovoljavajućem nivou kao ni trgovinska razmjera, te da ekonomska diplomatija treba dati svoj doprinos kako bi se situacija popravila u ovim oblastima.

Od ambasadora se očekuje da uspostavi suradnju sa privrednom komorom Kanade, privrednim strukovnim udruženjima i ostalim relevantnim institucijama kako bi pokušao animirati kanadsku privrednu zajednicu na investiranje u BiH.

Također, se očekuje uspostavljanje kontakata sa bh. dijasporom u Kanadi radi suradnje na ekonomskom planu.



ADDIKO BANK - FIPA : ZAJEDNO DO NOVIH INVESTICIJA



Direktor Agencije za unapređenje stranih investicija Gordan Milinić razgovarao je sa Boštjanom Pečenkom, članom Uprave Addiko Bank, o poslovnom ambijentu u BiH, administrativnim problemima sa kojima se strani investitori suočavaju u BiH, te trenutnim mjerama (ukupno 57) koje FIPA predlaže za unapređenje poslovnog okruženja u zemlji.

G. Pečenko je istakao dugotrajnu proceduru za registraciju firme i PDV broja kao oblasti koje bi trebalo značajno unaprijediti, ukoliko se želi pomoći privrednicima da lakše posluju.

Razgovarano je također o predstojećem poslovnom forumu posvećenom mogućnostima za ulaganje u BiH koji će biti održan u Ljubljani početkom 2018. godine, u organizaciji ambasade BiH u Sloveniji, na kojem će Addiko Bank također uzeti aktivno učešće, te će pomoći oko okupljanja investitora iz Slovenije i Italije.

Addiko Bank će svojim komitentima koji su zainteresirani za investicije preporučiti povezivanje sa FIPA-om, te im obezbijediti potrebne kredite i garancije za investicije.



PREDSTAVNICI PONCINI CONSULTINGA POSJETILI FIPA-U



Predstavnici Poncini Consultinga iz Švicarske na čelu sa direktorom Andreasom Ponciniem posjetili su Agenciju za unapređenje stranih investicija BiH (FIPA) kako bi menadžemt FIPA-e upoznali sa radom na povezivanju italijanskih i švicarskih firmi, te trenutnoj analizi povezivanja privrednika Švicarske i BiH na kojoj rade, a za potrebe švicarskih privrednika iz metalnog sektora. Direktor Agencije za unapređenje stranih investicija Gordan Milinić predstavio je aktivnosti FIPA-e u sferi stranih ulaganja, te uslugama koje pruža stranim investitorima od registracije firme do implementacije projekta.

Gosti su upoznati sa mogućnostima za ulaganja u BiH, poreznim sistemom, terenutno raspoloživim investicijskim projektima, postojećim švicarskim investitorima koji uspješno posluju u BiH. Dogovoreno je da Poncini Consulting svoje poslovne partnere zainteresirane za ulaganje u BiH poveže sa FIPA-om radi lakše realizacije investicija.



AFERCARE POSJETA KOMPANIJI APG SARAJEVO



U okviru Programa za post-investicionu podršku stranim investitorima, predstavnici Agencije za unapređenje stranih investicija BiH (FIPA), Općine Centar i Kantona Sarajevo 27. oktobra 2017. godine posjetili su Društvo za arhitekturu i planiranje – APG doo Sarajevo.

U pitanju je tehnički biro internacionalne firme sa sjedištem u Kataru i investicija koja je u Bosni i Hercegovini realizirana 2015. godine otvaranjem projektantske firme, koja zapošljava 7 mladih inženjera arhitekture. Kompanija je u potpunosti posvećena građevinskoj industriji, pružajući sveobuhvatan paket usluga od urbanističkog projektovanja, arhitektonskog projektovanja, dizajna enterijera, do projektovanja, faza statike i mašinskih instalacija.

Pored predstavništva u Sarajevu, APG GROUP posluje kroz osam kancelarija u Dubaiju, Abu Dabiju, Al-Ainu, Dohi, Riadu, Kairu, Aleksandriji i Kartumu sa ukupnom radnom snagom preko 400 visoko posvećenih stručnjaka. APG doo Sarajevo je usmjerena prvenstveno na projekte klijenata iz Dohe, Katara, ali i na manji broj projekata iz BiH.

Sa tehničkim menadžerom kompanije Senkom Ibrišimbegović se tokom sastanka razgovaralo o uslovima poslovanja u BiH, načinu unapređenja poslovnog ambijenta, kao i o planovima kompanije za naredni period.



FIPA UČESTVOVALA NA MEĐUNARODNOJ KONFERENCIJI O REGIONALNOM TRŽIŠTU, RAZVOJU STATISTIKE I MOGUĆNOSTIMA INVESTIRANJA



Predstavnic Agencije za unapređenje stranih investicija u Bosni i Hercegovini (FIPA) na čelu sa zamjenikom direktora Damirkom Mioč učestvovali su na Međunarodnoj konferenciji o regionalnom tržištu, razvoju statistike i mogućnostima investiranja, koja je održana od 6. do 8. novembra 2017. godine u Sarajevu.

Ovo je jedna od najznačajnijih konferencija u regiji koja podržava suradnju vladinih institucija, međunarodnih organizacija, poslovnog sektora, akademske zajednice i nevladinih organizacija sa namjerom stvaranja boljeg poslovnog okruženja, razvoja tržišta i konkurentnosti, kao i zajedničkog planiranja i realizacije regionalnih projekata. Konferencija afirmira mogućnosti regionalnog investiranja, promovira značaj statistike, informacionih tehnologija i razvoja u oblastima industrije, tržišta kapitala, rada, poljoprivrede, energije i turizma.

Zajedno sa predstavnicima iz Srbije, Hrvatske i BiH, dr.doc. Maida Bećirović, sekretar FIPA-e, učestvovala je na panelu posvećenom investicijama, te održala prezentaciju o značaju regionalne suradnje u kontekstu privlačenja stranih investicija.

Također su ovom prilikom prezentirani i investicijski projekti iz oblasti poljoprivrede i turizma.



SVE VEĆI INTERES STRANIH INVESTITORA ZA ICT SEKTOR BIH



Direktor Agencije za unapređenje stranih investicija u BiH (FIPA) Gordan Milinić učestvovao je na 14. Bečkom ekonomskom forumu koji se održao 6. novembra 2017. godine u Beču. U okviru sesije pod nazivom „ We live in a digital time! Visions and investor's response“, direktor Milinić je govorio o razvoju software industrije u Bosni i Hercegovini i sve većem interesu stranih investitora za ICT sektor u BiH. Riječ je o djelatnosti za kojom postoji najveća potražnja na svjetskom tržištu i koja ima trend dugoročnog kontinuiranog rasta. Prema preliminarnoj analizi udruženja Bit Alijansa, koje okuplja bh. softverske kompanije, godišnji prihod po softver-inženjeru iznosi između 80.000 i 120.000 KM. Obrazovanjem svakih 1.000 novih softver-inženjera BiH bi mogla prihodovati, primarno iz izvoza, više od 90 miliona KM godišnje. Procjene su da u BiH trenutno postoji između 2.500 i 3.500 softver-inženjera. Direktor Milinić je istaknuo da je upravo ICT sektor prepoznat kao horizontalna industrija koja ima snagu svojim tehnološkim rješenjima jačati konkurentnost svih drugih sektora i time dovesti do većeg privrednog rasta. Također je obavio niz razgovora sa predstavnicima prisutnih kompanija i pozvao ih da iskoriste mogućnosti za profitabilno poslovanje koje BiH nudi stranim investitorima. Na Forumu su učestvovali premijeri, vicepremijeri i ministri ekonomija i razvoja većine zemalja Jugoistočne Europe i predstavnici velikih evropskih kompanija, među kojima Telekom Austria Group, Microsoft Austria, Bouygues Europe SA Belgium, Freshfields Bruckhaus Deringer LLP Austria, Verbund AG, Sopharma PLC Bulgaria, DG CONNECT, Jackovich International LLC, AME International GmbH Austria, LANSKY GANZGER+partner Austria, Flughafen Wien AG Austria, DenizBank Financial Services Group, Raiffeisen Bank International AG itd. G. Milinić je Forumu prisustvovao i kao član Komiteta predsjednika Agencija za promociju stranih investicija - članica Bečkog ekonomskog foruma (Member of the Committee of Presidents of Investment Agencies of VEF) i kao član World Association of Investment Promotion Agencies (WAIPA).



FIPA NA OKRUGLOM STOLU „INVESTIRATI U BIH“ U LONDONU

Predstavnici FIPA-e na čelu sa direktorom Gordanom Milinićem učestvovali su na okruglom stolu „Investirati u BiH“ koji je održan 2. novembra 2017 u Londonu, a kojeg je organizirala ambasada BiH u Velikoj Britaniji i Ministarstvo vanjskih i Komonvelt poslova Velike Britanije.

Pored predstavnika FIPAE i Ministarstva vanjskih poslova BiH na čelu sa ambasadorom BiH u Londonu NJE Brankom Neškovićem, okruglom stolu su prisustvovali predstavnici britanskih kompanija, kao i NJE ambasador Velike Britanije u BiH Edward Fergusson.

G. Milinić je upoznao prisutne o aktivnostima FIPA-e na promociji BiH, radu sa investitorima, te aktivnostima na pronalasku investitora, dok su ostali predstavnici FIPA-e Slavica Korica, pomoćnik direktora, Adrijana Marić, šef Odjela za projekte, i Nina Pobrić, šef Odsjeka za promociju, upoznali prisutne o mogućnostima investiranja u BiH, investicionim projektima i mogućnostima ulaganjima u ICT sektor i komparativnim prednostima Bosne i Hercegovine.



MISIJA FIPA-E

Agencija za unapređenje stranih investicija Bosne i Hercegovine je agencija koju je osnovalo Vijeće ministara Bosne i Hercegovine, a čija je osnovna zadaća :

- Privlačenje i povećanje priliva stranih investicija u Bosnu i Hercegovinu i poticanje postojećih investitora u zemlji na dalja ulaganja i širenje poslovanja
- Poboljšanje saradnje između privatnog i javnog sektora, predlaganje mjera za unapređenje okruženja za investiranje, a s time i ekonomskog razvoja
- Predstavljanje Bosne i Hercegovine kao zemlje poželjne za strane investitore



USLUGE FIPA-E

Vijeće ministara Bosne i Hercegovine je zadužilo Agenciju za unapređenje stranih investicija da pruži podršku direktnim stranim investicijama i da olakša priliv stranih ulaganja u našoj zemlji. Agencija saraduje s institucijama vlasti i investitorima, te pomaže nadležnim vlastima da poboljšaju zakonski okvir za strana ulaganja. FIPA takođe pomaže investitorima da uspostave kontakte s javnim i privatnim sektorima BiH. Pokazatelji koji se odnose na priliv investicija, uspostava kontakata i studije privrednih sektora koje su izradili FIPA stručnjaci i nezavisni konsultanti, omogućavaju da investitori budu u potpunosti informirani o investicijskim mogućnostima koje Bosna i Hercegovina trenutno nudi. Osim toga, FIPA usko saraduje i sa ambasadama i diplomatskim predstavništvima Bosne i Hercegovine, koji takođe mogu pomoći investitorima da istraže mogućnosti ulaganja u našoj zemlji.

FIPA pruža informacije, analize i savjete potencijalnim investitorima o poslovnom i investicijskom okruženju, uključujući:

- zakonodavstvo koje se odnosi na direktna strana ulaganja
- podsticaje koji se odnose na ulaganja
- ekonomska i poslovna kretanja u zemlji

FIPA identifikira i predstavlja postojeće bh. mogućnosti za strana ulaganja :

- investicijske projekte u fazi razvoja ili projekte koji su već spremni za realizaciju
- preduzeća u procesu privatizacije
- domaće firme koje traže stranog poslovnog partnera

FIPA pruža pomoć potencijalnim investitorima i onima koji su već investirali u zemlji kroz :

- saradnju s javnim i privatnim sektorom
- saradnju s vladinim i nevladinim institucijama kako bi se olakšao privredni razvoj
- saradnju s lokalnim, regionalnim i međunarodnim organizacijama kako bi se poboljšalo okruženje za ulaganja



DA BISTE SAZNALI VIŠE O USLUGAMA FIPA-E,
KOJE SU BESPLATNE, KONTAKTIRAJTE NAS
DIREKTNO.

Grbavička 4
71000 Sarajevo
Tel: +387 22 278 080
Fax: + 387 33 278 081
e-mail : fipa@fipa.gov.ba
www.fipa.gov.ba

Ured FIPA-e Mostar
Kneza Višeslava, Office 54
88000 Mostar
Tel/Fax: +387 36 558 815
E-mail: mostar@fipa.gov.ba

Ured FIPA-e Banja Luka
Jovana Surutke 13/III
78000 Banja Luka
Tel/Fax: + 387 51 226 180
E-mail: banjaluka@fipa.gov.ba

A map of Europe with white outlines of countries on a blue background. The country of Bosnia and Herzegovina is highlighted with a yellow and blue flag featuring white stars.

INVEST IN BOSNIA AND HERZEGOVINA YOUR NEW OPPORTUNITY

WWW.FIPA.GOV.BA